

siquidem nervorum distentio sequeretur : violatis iis muscularis, quos in libro de articulis Hippocrates ιεραφίτας appellat.

Si Statim vomuit] Hæc leges apud Hippocratem libro septimo aphor. aphorismo 59. & aphorismo 50. libri sexti, multa in coacisis prænotionibus, & in libro de Vulneribus capit. 1.

Semel in die carne] Bilioſi magis nutrimento egent, minusque jejunia ferunt; apud Hippocratem libro, ni fallor, secundo de ratione vietus in acutis, noxæ quæ ex jejunio accidere solent, recensentur, animi deliquium, capitis vertigo, ventriculi imbecillitas: quæ omnia ibi, & in Galeni Commentario exponuntur.

Purgativum nullum] Etenim cùm cerebrum ceteras partes quodam modo contineat, à nulla verò continetur, aliarum partium redundantias non recipit: non eget ergo purgatione. Hoc addam medicamentum catarcticum ab Hippocrate exhiberi, si erisypelate caput infestetur, ac tale medicamentum, quod bilem ducat.

DE CONTUSIONIBUS

Capitis in infantibus & pueris.

CAP. VI.

E Xistunt persæpe in pueris septennio minoribus contusiones, aut casu, aut

44 DE CURAN. VULNER.

aut ictu, aut alio quovis instrumento impetuæ factæ, similes omnino apostematibus, aut iis vitiis, quæ in æreis, aut plumbeis vasis conspicimus, ita ut cute illæsa, & posteriori etiam craniï tabula minimè rupta, prior tamen persæpe lædatur. Namque ejus ossis per ætatem teneritudo, aliquando in causa est, ut nonnunquam cranium illæsum, sæpe etiam læsum, & ruptum deprimatur, & pelliculæ cerebrum ambientes rumpantur: quod nos persæpe deprehendimus, ejusque rei exemplum nuper editum est, cùm in oppido Llerena Bethicæ provinciæ, quadrimus puer nobis curandus fuisset oblatus, quem lignea porta è fenestra decidens, gravissimè percußerat, secundum eam quæ coronalis commissura dicitur, ex quo ictu, utrumque os, atque utraque etiam membrana rupta sunt, atque etiam cerebri pars ter per totum curationis spaciū emissā est. Sanatus tamen est puer, citra vulneris manifestationem, & sine ulla ossium jactura, neque ultra vigesimum diem dilata est curatio. Ad hujusmodi autem compressiones, in puerorum capitibus curandas, nulla vulneris majore (quàm ipso casu facta est) manifestatione fuerit opus: & si nullum vulnus factum erit, nihil est aperiendum, quamvis omnia ossa læsa,

com-

communataque esse cognoscantur, atque hæc tutissima ratio curandi in ejusmodi vulnerib^{us} erit. Nam quidquid contrà quām diximus, vulgo fieri solet, id certissimum habet periculum.

Hujus autem hæc curationis ratio est, præter temperatum pueri, & salubrem victum, aut saltem nutricis, si lacte adhuc alatur, diversiones aliquas facere conveniet, aut brachia ipsi aut crura scarificanda sunt. Si contusio nullum manifestum vulnus ostenderit, prima curatione hoc remedio utimur.

Rx. Olei rosarum, camomellini ana 3. ℥.
olei myrrhini 3 j.
ovi unius album, cum vitello, cum parte
aliqua farinæ fabarum, & ordei ana,
& myrtillorum pulvere 3 j.

Sub loco con-
tuso po-
natur.
Seq.
Emplast.

Omnia commodè misceantur, & fiat ad modum emplasti, idque sub contuso loco ponatur. Postera verò die, aliud emplastrum adhibemus; loco tamen probè prius novacula abraso.

Rx. Sordicie alvearis apum, vel si id haberi minus possit, ceræ novæ sordidæ, & melis communis pulverizati 3 j.

lapidis Hæmatitis in pulverem redacti 3. ℥.

pumicis lapidis, & cymini, & absinthii,
& furfuris communis 3 ij.

Misce omnia ad ignem, & fiat emplastrum,

46 DE CURAN. VULNER.

strum, quod loco depresso imponito, latiore etiam ambitu duorum digitorum; mira enim vis hujus emplastri est, ut intra duodecim dies ossa contusa compressaque tollat: nullumque ad eam rem medicamentum efficientius esse puto.

Quod si praeter ossis depressionem, & rupturam, vulnus etiam fuerit, principio ovi albo, & vitello simul agitato curandus est, additis peciis mollibus, atque tenuibus, stupa pulvilis, quibus vulnus tegitur. Postera autem die, utemur balsamo, à nobis in hoc libro sæpe commendato: vulnus autem hoc leviter ex pluma inungendum est; cuius præsentissima virtus, facile hoc in genere etiam perspicietur; mitè enim concoquit, emundat, carnemque inducit: liquefactum autem esse oportet, non nimis tam, ne quid ægrotus uratur; aut ne quid de medicamenti vi nimio calore decedat. (Illud verò maximè est cendum, ne quod omnino os extrahatur, quamvis omnia comminuta esse constiterit) filis autem siccis vulnus operendum est, neque iis nimium pressis. Super haec verò; id quod modò descripsimus, emplastrum est addendum, calidum quidem illud, quod profectò magna cum curantis voluptate, & admiratione, sine ullo

Hippoc.
lib. de
officina
medici.

ullo discrimine, omne pus quod intus conficitur, exugit, & compressa quoque ossa brevissimè tollit, in eumque restituit, qui secundum naturam fuerat, situm. Possumus enim tutò affirmare, nobis hac & aliis curandi rationibus, quæ descriptæ jam sunt, per annos plus quinquaginta, frequentissimo experimento usis, semper ex animi sententia successisse, & Dei auxilio, cui nos omnia accepta reserimus, multos è maximis & gravissimis vulneribus liberatos, testari possumus, inter quos hactenus novem jam sunt, quibus non exigua cerebri pars perierat. Ferè autem innumeri, quibus prior meninx vehementer fuerat lacerata, ex his autem novem, quos retulimus, prius apud urbem Xeres Pacensis diœceseos, familiaris quidam Joannes Bazzani, qui gladio vulnus in capite acceperat, ex quo vulnera membranis ruptis, tantum cerebri decessit, quantum duo tritici grana sunt. Successit citissima paralysis, & alterius corporis partis, & linguæ impedimentum, qua usque ad quartum mensem laboravit, ex qua tamen affectione, postquam ex vulnera sanatus est, melius etiam habere in dies cœpit. Secundus verò fuit puer quidam, decem annos natus, muli calce percussus in fronte, ut ferreæ soleæ margine ossa etiam com-

pri-

48 DE CURAN. VULNER.

primerentur. Huic per continuos sex dies de cerebro, quantum lens est, singulis curationibus deperiit, atque hinc nihil mali, præter vulnus, est consecutum.

Tertius ex oppido, *Fuentes de Leon*, appellato erat, qui telo obtuso, ex balista jacto, petitus, & capillos, & ossa, & carnem super cerebrum coacta habebat: prima autem, secunda, atque tertia cura hæc omnia extracta à nobis sunt, pulsatione enim ipsa paulatim expellabantur: una verò, & cerebri pars prodibat commissa: in quo rem nobis non negligendam animadverti: id autem fuit quod duodecimo die, molle quidam, & candidum excrescere intus cœpit instar adipis, quod sequenti curatione ita exuberaverat, ut supra carnem omnem emineret; nos autem hermodactylorum pulverem injecimus, eo modo reductum, coactumque iri arbitrati. Cùm autem tertia curatione supra cutem, etiam nimium excessisse deprehendissemus, ferro rem agere consilium fuit. Igitur forcipe, quatenus cranium æquabat, resecuimus; id autem quod resectum est, nucem juglandem magnitudine superabat; nihil verò neque sanguinis, neque alterius rei secutum est; postera verò die nihil apparebat, sed plana omnia,

nia, bonoque colore constabant. Sanatus igitur hic homo est, sed tamen quoad vixit, morbo regio laboravit; cuius prima accessio septima die fuit, & dum curaretur, alteram & tertiam passus est accessionem.

Supervixit autem usque ad quartum & trigesimum annum.

Quartum autem curavimus in oppido Llerena Marchionis de Falces, qui eam provinciam administrabat famulum: hunc alias ex domesticis quidam æreo petierat candelabro, in coronali ossis parte; omnis autem ea ossis pars, qua vulnus accepit, comminuta, atque super cerebrum fuerat vehementer coacta; opus igitur fuit secunda, tertia, & quarta curatione: ea ossa omnia extrahi oportuit, quæ loco mota, cerebrum graviter premebant, maximè quæ ex inferiori tabula erant, cerebri substantiam continentes pelliculas ruperant, ex quibus duo ossa ita magna erant, ut per vulneris hiatum, magna cum difficultate erui potuerint; ab his autem pelliculæ, & cerebrum ipsum vitiata fuerant, quamobrem singulis curationibus, à secunda, ad quintam usque, ternæ, quaternæque ex cerebri substantia portiones, eæquæ non exiguae decesserunt. Intervexit autem dum curaremus, Benedictus Arias Montanus

C Theo-

50 DE CURAN. VULNER.

Theologus nostras, qui apud nos eo tempore chirurgiam , artis potius , quam operis causa docebatur : quinque ergo continuis diebus ossa , & cerebri partes prodierunt , quæ pulsatione ipsa pellebantur. Atque hic juvenis gravibus symptomatibus affectus est , dum curaretur ; nam dextro latere convulsionem , sinistro verò paralysem , atque etiam regium passus est morbum. Hæc autem omnia , undecima die aggressa , ad vigesimam usque , cum summo etiam fastidio dura- vere ; post hæc melius habere cœpit : tandem divina ope omnino incolumis evasit. Dum nos Llerenæ (quod oppidum inter Bethicam & Lusitaniam est) publi- co populi stipendio , chirurgiam , & sacræ inquisitionis magistratus honesta mercede exerceremus , admirandum periculum accidit , apud oppidulum Valverde , de- cem miliaribus Llerena distans : quod hic referre decrevimus , quod ejus ho- minis restituti historiam nemo audire possit , quin Deo auctori , atque unico humanæ salutis præsidi gratuletur. Ea verò res sic habet. Dum operarii quidam prægrandes lapides machinis , & arte in turrem , quæ tunc ædificabatur , tolle- rent (productum autem opus jam erat , & templum cui hærebat , altitudine su- pererabat) unus ex lapidibus decidens ,

quen-

LIBER I. SE

quendam eorum qui machinam volvabant, in capite plenè percussit, qua sagittalis commissura est; is autem subito corruit, simulque cum lapide terram attigit: erat autem lapis cubitali latitudine, & longitudine; duodecim verò digitorum altitudine, & pondere quatuor & viginti librarum.

Jacuit autem homo in eodem loco, per horæ dimidium, nihil omnino sentiens: inde autem pro mortuo penè, aut intra horam saltem expiraturo, domum est sublatus. Hic cerebri commotionem passus, tres integros dies non solum sermonis, sed motus etiam expers; movebatur autem ab adstantibus, non secus, ac si mortuus fuisset.

Magna autem ossium pars, depressa cerebro incubuerat; sanguis verò oculis, atque auribus eruperat: caput autem ipsum, & collum tumidum, atroqüe colore conspiciebatur. Post octavam autem diem, sponte sua apertum est caput, à sincipite, atque ab occipite, & ex altero etiam latere: maturuerant enim jam apostemata. Nos igitur ossa in locum suum restituimus; membranæ autem inflammationem passæ sunt; tertia die locutus est, imperfectè tamen, & ut commotæ mentis homines solent, apertis oculis, imò & patentibus epilepticorum

C 2 more

52 DE CURAN. VULNER.

more erat: sed nihil omnino videbat, neque cernere cœpit usque ad vigesimam diem , indiesque visu etiam proficiebat. Secundum verò post mensem rectè jam cernere, ut sanus cum esset , potuit , cùm vulnus jam sanatum fuisset. Nam ad vi- gesimam quintam , plurima ossa remissa sunt. Statim autem è lecto surrexit , tametsi tunc rectè ingredi non valebat ; atque ita divina magis, quàm humana ope sanatus est : evasit autem pætis & transversa tuentibus oculis , qui etiam curatione procedente, quarto mense restituti sunt, rectéque intuebatur : vivit hic ad- huc , uxoremque duxit. Nam juvenis tunc erat , oculos verò aliis auxiliis restituimus.

A N N O T A T I O.

*Quæ de puerorum ossibus tradit, docentur
à Galeno sexto methodi medendi.*

Ad hujusmodi autem compressiones] Non est ampliandum *vulnus*, nec aperien- dum, nec si *integra* cute calvaria perfringatur. incidenda illa est: hæc Hippocratis videtur esse mens, atque præter auctoritatem accedit ratio, nam ubi os perrumpitur *integra* cute, calor non expirat, & per se digerere saniem potest , & ossa solidare quod in fracturis manifestè vide- mus : fragmenta enim cùm nudata non sunt solidantur.

Ex

Ex quo vulnere tantum cerebri] Qua-
cumque parte cerebrum vulneretur , si telum
altè insederit (teste Hippocrate) res lethalis est:
apud varios auctores varia eventa , qualia ab
auctore recensentur. Galenus etiam multos
convaluisse scribit , quibus telum summam
dūntaxat partem attigerat. illud commemo-
randum , quod Smyrnæ in Ionia juvenem sa-
natum dicat; cui telum ad alterum ex anterio-
ribus cerebri ventriculis penetravit.

D E C U R A T I O N E vulnerum in facie.

C A P . VII.

Vulnera quæ in facie facta sunt,
quam rectissimè à principio sunt cu-
randa; id autem fiet si providebimus , ut
probè acu , & filo commissa , conjuncta-
que labra sint, non pluribus, non paucio-
ribus, quam opus est, punctis, ita ut caro
carni , cuti cutis aptè cohærent , nullo
in vulnera orificio relieto , nisi ita ma-
gnum , & profundum fuerit , ut ossa
etiam penetret: cùm enim sic habuerit
orificium reliquisse, flammulamque sub-
didisse expediet, qua noxia omnis hu-
miditas expurgetur , & pus etiam quod
conficitur , cùm magnum , & profun-
dum vulnus est: alioqui verò nullum
pus expectare oportuerit, si rectè cura-